

आकाशवाणी

खास-खास खबरां

1. शुभेन्दु अधिकारी पच्छिम बंगाल च भारती जनता पार्टी दे पैहले मुख्यमंत्री बनी गे न। 5एं कैबिनेट मंत्रिएं कन्नै ओहदे ते राज़दारी दी चुक्री सगंध।
2. C. Joseph Vijay हुंदी अगुआई आहली TVK नै तमिलनाडू च सरकार बनाने लेई 120एं विधायकें दे समर्थन दा दावा कीता ऐ।
3. राश्ट्रीय कानूनी सेवा प्राधिकरण नालसा नै तनाजे गी सुलह-सफाई कन्नै नबेड़ने लेई अज्ज देश भरै च राश्ट्रीय लोक अदालत दा आयोजन कीता।
4. विदेश मंत्री डाक्टर एस. जयशंकर होर भारत ते Trinidad –Tobago बशकार दबकख्या सरबन्ध तगड़े करने दे मकसद कन्नै Trinidad –Tobago दे प्रधानमंत्री हुंदे कन्नै मिले।
5. प्रधानमंत्री सुरक्षा बीमा योजना- प्रधानमंत्री जीवन ज्योति बीमा योजना ते अटल पेंशन योजना नै मुख्य भरै च नागरिकें गी समाजी सुरक्षा हासल करोआने दे 11 बरे पूरे करी लैते न।
6. IPL क्रिकेट च अज्ज संजा साडडे 7 बजे जयपुर च राजस्थान रॉयल्स दा सामना गुजरात टाइटन्स कन्नै होग।

<><><><><><>

Suvendu Oath

भारती जनता पार्टी दे लीडर शुभेन्दु अधिकारी होरें अज्ज कोलकाता दे ब्रिगेड परेड ग्राउंड च आयोजित इक समारोह च पच्छिम बंगाल च भारती जनता पार्टी दे पैहले मुख्यमंत्री दे रुपै च सगंध चुक्री। मुख्यमंत्री उन्दे कन्नै 5 मंत्रीमंडल दे मंत्रिएं बी ओहदे ते राज़दारी दी सगंधन चुक्री।

राज्यपाल R.N. रवि होरें मंत्रियें गी ओहदे ते राजदारी दी संगंध दोआई। मंत्रीमंडल च दिलीप घोष- अग्निमिश्रा पॉल- अशोक कीर्तनिया-निशीथ प्रमाणिक ते खुदीराम टुडू शामिल ना। इस मौके पर प्रधानमंत्री नरेन्द्र मोदी-गृहमंत्री अमित शाह- रक्षामंत्री राजनाथ सिंह हुंदे कन्नो-कन्नो केंई केन्द्रीय मंत्री ते भारती जनता पार्टी दे शासन आले राज्यें दे मुख्मन्त्री बी शामिल हे। प्रोग्राम दी शुरुआत कविगुरु रविन्द्र नाथ टैगोर हुंदी जयंति पर उनें'गी श्रद्धासुमन अर्पित करियै कीती गेई। प्रधानमंत्री नरेन्द्र मोदी- मुख्मन्त्री सुबेन्दु अधिकारी ते उत्थे मजूद मन्त्री-परमन्त्री दियें शख्सियतें रवीन्द्र नाथ ठाकुर होरें गी श्रद्धांजलि भेंट कीती।

<><><><><><>

Suvendu New CM

संगंध चुक्कने मगरा संवाददाताएं कन्नै गल्लबात च मुख्मन्त्री शुभेन्दु अधिकारी होरें आखेआ जे डाक्टर श्यामा प्रसाद मुखर्जी हुंदे आदर्शें पर आधारित सियासी दल गी कुसै प्रणालिकता दी लोड़ नेंई ऐ। उनें आखेआ जेड़े लोक अजें बी नतीजें पर चर्चा करा रदे न- उनें'गी समझदारी कन्नै कम्म लैना चाहिदा। उनें आखेआ जे पच्छिम बंगाल च शिक्षा ते संस्कृति दा जेड़ा भारी नुक्सान होआ ऐ उसी ठीक करियै सोआरनें दी जिम्मेवारी भारती जनता पार्टी पर ऐ।

<><><><><><>

Add Suvendu

तोंआई प्रधानमंत्री मोदी होरें सुबेन्दु अधिकारी होरें गी पच्छिम बंगाल दा मुख्मन्त्री बनने पर मुबारक बाद दिती ऐ। अपनी इक सोशल मीडिया पोस्ट च प्रधानमंत्री होरें आखेआ श्री अधिकारी होरें इक नेता आंगर अपनी पंछान छोड़ी ऐ- ओ लोकें कन्नै जुड़े रे ते लोकें दिएं आसें-तांगे गी नेड़े थमां पंछानेया। श्री मोदी होरें अधिकारी होरें गी मुख्मन्त्री दे तौर पर उन्दी अवधि लेई शुभकामनां भेंट कीतीयां।

<><><><><><>

PM –Makhan Lal

प्रधानमंत्री नरेन्द्र मोदी होरें सगंध समारोह च 97 बरे दे मक्खन लाल सरकार हुंदा आशींवाद लेया। ओ भारती जनता पार्टी दे शुरुआती दिनें च राज्य दे सब्बनें शा सीनियर लीडर हे। प्रधानमंत्री मोदी होरें बडे मान कन्नै उनें'गी गल लाया ते उन्दे पैर बंदे। सरकार भारती जन संघ द संस्थापक श्यामा प्रसाद मुखर्जी हुंदे सहायत हे। भारती जनता पार्टी ने पच्छिम बंगाल च 2026 आहले असैम्बली चुनाएं च 207 सीटां जित्तियां।

<><><><><><>

TN Govt. Formation

तमिलनाडू च C. Joseph Vijay हुंदी अगुआआ आहली TVK नै राज्य च सरकार बनाने लेई 120एं विधायकें दे समर्थन दा दावा कीता ऐ। TVK नै हाल च होए दे असैम्बली चुनाएं च 108 नशिस्तां जित्तियां ते ओ सब्बनें शा मतायं सीटां जित्तने आहली इक्कली पार्टी बनी गई। 234 मिम्बरे आहली असैम्बली च सरकार बनाने लेई 118 दा आकंडा लोडदा ऐ।

पार्टी नै दस्सेआ जे VCK ते IUML नै सरकार बनाने लेई अपना विजन शर्त सहयोग देने दा फैसला कीता ऐ। चेन्नेई च पत्रकारें कन्नै गल्ल करदे होई TVK लीडर- अधव अर्जुन होरें दस्सेया जे VCK ते IUML नै विजय दी अगुआई आहली सरकार गी अपने समर्थन दा भरोसा दोआया ऐ।

<><><><><><>

National Lok Adalat

राष्ट्रीय कानूनी सेवा प्राधिकरण नालसा नै अज्ज देश भरै च इस बरे दी दुई राष्ट्री लोक अदालत दा आयोजन कीता। नालसा दे सदस्य-सचिव संजीव पांडे होरें आकाशवाणी खबरें गी दस्सेआ जे इस पैहल दा मकसद सहभागता कन्नै ते जन-केन्द्रित तरीके कन्नै तनाजे दा दौनें पक्खें गी मंजूरशुदा नपटारा करना ते अदालतै पर बोझ घट्ट करना ऐ। उनें आखेआ जे लोक अदालत च समझौता-योग्य

आपराधिक मामलें- चेक बाऊंस ते बैंक वसूली आहले तनाजे समेत केंई चाल्ली दे मामलें दी सुनवाई कीती जंदी ऐ। 2025 बरे दौरान 12 राश्ट्रीय लोक अदालतें दा आयोजन करियै 26 करोड़ मामलें दा नबटारा कीता गेआ।

<><><><><><>

EAM Trinidad and Tobago

विदेश मंत्री डाक्टर एस. जयशंकर होरें भारत ते त्रिनिदाद ते टोबैगो बश्कार पारम्परिक सरबंधें दी सराहना कीती ऐ। त्रिनिदाद ते टोबैगो दी यात्रा पर गेदे डाक्टर जयशंकर होरें उत्थुआं दे विदेश ते कैरिक्ॉम मामलें दे मंत्रालय च झंडा चाढ़ने आहले समारोह गी सम्बोधित कीता। जयशंकर होरें इस मौके पर दवें देशें दे बश्कार डूंगे सांस्कृतिक सरबंधें ते ऐतिहासिक जुड़ाव दा जिक्र कीता। डाक्टर जयशंकर होरें त्रिनिदाद ते टोबैगो दियां प्रधानमंत्री कमला प्रसाद बिसेसर हुंदे कन्नै बी मलाटी कीती ते दपक्खी सैहयोग गी होर निगगर करने दे बारे चर्चा कीती। उनें आखेआ के इस यात्रा दे दौरान पर्यटन- विदेश ते कैरिक्ॉम मामलें दे मंत्रालय दे भवन दा सौर ऊर्जा दे संचालन- बक्ख-बक्ख परियोजनाएं ते आयुर्वेद केन्द्र दी स्थापना सनें केंई समझौतें पर सैहमति बनी।

<><><><><><>

11 Years –Social Sec. Schemes

प्रधानमंत्री सुरक्षा बीमा योजना- प्रधानमंत्री जीवन ज्योति बीमा योजना ते अटल पेंशन योजना ने मुख्य भरै च नागरिकें गी समाजी सुरक्षा मुहेइया करोआने दे 11 बरे पूरे करी लैते ना। खजाना मंत्रालय ने आखेआ ऐ जे इनें स्कीमें दी परिकल्पना सबभनें गी खास तौरा पर समाज दे हेठले तबके ते कमजोर तबकें गी किफायदी माली सुरक्षा मुहेइया करोआने लेई कीती गेई ही। इनें महत्वे आहली स्कीमे दा मकसद नागरिकें गी जीवन दी अनिश्चितताएं थमां बचाइयै ते लम्मे समें लेई माली लचीलेपन गी बढ़ावा देइयै बीमा ते पेंशन सैक्टर दा विस्तार करना ऐ। इनें स्कीमें बारे बोलदे होई केन्द्रीय खजाना मंत्री निर्मला सीतारमण होरें आखेआ जे प्रधानमंत्री जीवन ज्योति बीमा योजना तैहत

27 करोड़ शा मते नामांकन कीते गे न- प्रधानमंत्री सुरक्षा बीमा योजना तैहत 58 करोड़ ते अटल पेंशन योजना तैहत 9 करोड़ शा मते नामांकन कीते गे न।

<><><><><><>

PM-Visit

प्रधानमंत्री नरेन्द्र मोदी कल कर्नाटक ते तेलंगाना जाडन। बडुलै कोई 11 बजे प्रधानमंत्री आर्ट ऑफ लिविंग दी 45मीं बरेगंड समारोह च हिस्सा लैडन ते Art of living International Centre च नमे बने दे ध्यान मंदरै दा उदघाटन बी करडन। कार्यक्रम दौरान प्रधानमंत्री सभा गी सम्बोधित बी करडन। मगरा प्रधानमंत्री मोदी हैदराबाद लेई रवाना होई जाडन। ओ उत्थे तकरीबन 9 ज्हार 4 सौ करोड़ रुपें दी लागत आलियें केंई विकास परियोजनाएं दा नींह पत्थर रखगंन ते केंइयें दा उदघाटन करडन।

ओह हैदराबाद-पणजी आर्थिक गलियारें पर गुड्डेबेलूर शा महबूबनगर तक राश्ट्रीय जरनैली सिडक 167 दे चंऊ गैलें आहला बनाने दे निर्माण कम्में दी आधार शिला रखडन। 3 ज्हार 175 करोड़ रुपें शा बी मती होने दी मेद ऐ। प्रधानमंत्री वारंगल च पी.एम मिश्रा पार्क दा बी उदघाटन करडन। जिसी काकतीय मेगा टेक्सटाइल पार्क दे नां कन्नै बी जानेया जंदा ऐ ते एह पी.एम मिश्रा योजना तैहत विकसित कीता गेआ ऐ। प्रधानमंत्री नरेन्द्र मोदी कल तेलंगाना च तकरीबन इक ज्हार 535 करोड़ रुपें दिएं रेलवे परियोजनाएं गी लोकें दे नामित्त लाडन। प्रधानमंत्री होर केंइयें प्रोग्रामें च हिस्सा लैगंन जिंदे च 118 किलोमीटर लम्मी काज़ीपेट विजयबाड़ा Multi ट्रेकिंग परियोजना ते काज़ीपेट रेल अंडर रेल वाई पास दा उदघाटन करना शामिल ऐ। इनें परियोजनां दा मकसद मुख रेल रस्ते दी समर्थ बधाना ते भीड़ घट्ट करना ऐ। प्रधानमंत्री कल संजा सिकंदराबाद दे परेड ग्राउंड च इक जनसभा च पार्टी कार्यकर्ताएं गी सम्बोधित बी करडन।

<><><><><><>

New CDS

सरकारै लैफ्टिनेंट जनरल N.S. राजा सुब्रमणि होरें गी अगला Chief of Defence स्टॉफ यानि CDS नियुक्त कीता ऐ। रक्षा मंत्रालय ने आखेआ ऐ जे लेफ्टिनेंट जनरल सुब्रमणि- कार्यभार सांभने दी तरीक थमां अगले हुक्मै तोड़ी फौजी मामलें सरबन्धी विभाग दे सचिव दे तौर पर बी कम्म करडन। ओह औंदी 30 मई गी जनरल अनिल चौहान हुंदा कार्यकाल पूरा होने दे बाद अपना कार्यभार सांभडन। लेफ्टिनेंट जनरल सुब्रमणि 4 दहाकें शा मते दी शानदार सेवा देने आले इक बड्डे सम्मानत फौजी अधिकारी न। ओह मजूदा समें च सितम्बर 2025 थमां राश्ट्री सुरक्षा काउंसल सैक्रेटेरिएट च फौजी सलाहकार दे तौर पर अपनियां सेवां देआ करदे न। एहदे शा पैहले ओह Army Staff दे उप-प्रमुख ते Central कमान दे जनरल Officer Commanding-in-Chief दे तौर पर बी सेवां देई चुके न। एहदे इलावा उनें पच्छमी ते उत्तरी मोर्चे पर बी बड़ी खरी चाल्ली अपनी जिम्मेदारिएं गी अंजाम दिते दा ऐ।

<><><><><><>

New Chief-Naval Staff

सरकार ने वाइस एडमिरल कृष्णा स्वामीनाथन होरें गी नौसेना प्रमुख नियुक्त कीता गेआ ऐ। रक्षा मंत्रालय ने दस्सेआ ऐ जे वाइस एडमिरल स्वामीनाथन इस बेल्लै पच्छमी नौसेना कमान दे फ्लैग ऑफिसर कमांडिंग इन-चीफ दे ओहदे दा कम्मकाज सांझा करदे न। उनें भारतीय नौसेना च लगभग चार दाहके दी विशिष्ट सेवा दा अनुभव ऐ। ओह एडमिरल दिनेश कुमार त्रिपाठी हुंदी थाहर लैगन-जेहडे के 31 मई गी रिटायर होआ रदे न।

<><><><><><>

Rabinder Nath Jayanti

अज्ज पोचीशे बोईशांख आहले ध्याड़े रवीन्द्र नाथ ठाकुर हुंदी 165मीं जयंति मनाई जा रदी ऐ। इस मौके पर पूरी दुनिया च सांस्कृतिक समारोह लोआए गे। मुख् समारोह शांति निकेतन- विश्व भारती

विश्व विद्यालय ते पूरे पच्छिम बंगाल ते बंगलादेश च लग्गे। इस दौरान रवीन्द्र संगीत काव्य पाठ- नृत्य ते ड्रामें दा आयोजन कीता गेदा हा।

उपराष्ट्रपति सी.पी राधाकृष्णन ते प्रधानमंत्री नरेन्द्र मोदी होरें गुरुदेव रवीन्द्रनाथ ठाकुर होरें गी श्रद्धासुमन अर्पित कीते। प्रधानमंत्री होरें आखेआ जे टैगोर होरें समाज गी नमें विचार- मौलिक ऊर्जा ते सांस्कृतिक बसाह –भरोसा देइयै सगोसार कीता। रक्षामंत्री राजनाथ सिंह- केन्द्री गृहमंत्री- श्री अमित शाह ते होरनें मंत्रिएं- गुरुदेव रवीन्द्र नाथ होरें गी श्रद्धांलि अर्पित कीती।

<><><><><><>

IPL

IPL क्रिकेट च अज्ज जयपुर च राजस्थान रॉयल्स दा सामना गुजरात टाइटन्स कन्नै होग। एह मैच शामी 7.30 बजे शा खेडेया जाहग। एहदे शा पैहले कल रातीं दिल्ली च खेड्डे गेदे मैच च कोलकाता नाइट राइडर्स नै डेलही कैपिटल्स गी 8एं विकटें कन्नै हराई दिता। 143 रन्ज दे लक्ष दे परते च कोलकाता नाइट राइडर्स नै 14 ओवरें ते 2 गेंदे च दंऊ विकटां मुहाइयै 147 रन्ज बनाइयै मैच अपने नां करी लैता।

<><><><><><>

IMD –Weather

मौसम विभाग नै गुजरात ते पच्छिमी राजस्थान दिएं किश थाहरें पर लू चलने दा खदशा जाहर कीता ऐ। बिहार च अज्ज 60 थमां 85 किलोमीटर फही घैंटे दी रफ्तार कन्नै तेज हवा चलने दा रेड अलर्ट जारी कीता गया ऐ। औंदे दंऊ-त्रंऊ दिनें दौरान केरल- लक्षद्वीप- दक्खन कर्नाटक- तमिलनाडू- पुद्दुचेरी ते कराईकल च तेज़ बरखा पौने दी संभावना ऐ। ओडिशा- रायलसीमा- तेलंगाना ते दक्खन आंतरिक कर्नाटक च कल्लै तकर बदल गरजनें ते बिजली चमकने दी संभावना ऐ। तोंआई कोंकण ते गोवा दिएं किश थाहरें मौसम गर्म ते उमस भरोसा रौहग।

Hanta Virus

कल हंटा वाईरस दे दो नमें संभावित मामले सामने आए न। इंदे चा इक स्पेन थमां ते दुआ दूर-दरेडे दक्खन अटलांटिक द्वीप “ट्रिस्टान द कुन्हा” थमां दर्ज कीता गया ऐ। एह वाईरस पैहली बारी ऐशे आराम आलियें सुवधें कन्नै लैस इक क्रूज़ जहाजै परां सामने आया हा ते विशेषज्ञ एहदे फैलने शा पैहले इसी रोकने च लगगे दे न।

<><><><><><>

NRC-Pak

पाकिस्तान मानवाधिकार परिषद नै देसै च पैट्रोलियम उत्पादें दियें कीमतें च हाल च कीते गेदे बाहे दी सख्त निंदेया कीती ते इसी जनता पर सिद्दा हमला दस्सेआ। मानवाधिकार संस्था नै सरकार अगगे अपील कीती जे ए तुरत बधाई गेदियें कीमतें गी परतोई लै ते जनता गी सुखा दा साह लैन देयै। परिषद नै कराए-भाड़ें ते जरूरी चीजें-बस्तें दिएं कीमतें च मनमाने बाहे पर रोक लाने दी बी मंग कीती।

<><><><><><>

MoS- CSIR

केन्द्री मंत्री डाक्टर जितेन्द्र सिंह होरें औंदे लवैंडर उत्सव 2026 कोला पैहले मुम्बई दे CSIR Innovation Complex च CSIR ट्रिपल आई.एम आसेया आयोजित खरीददारें ते समेयान बेचने आलें दे इक सम्मेलन दा वर्चुएल ढंगै नै उदघाटन कीता। इक ध्याड़े दे एरोमा उद्योग ते करसान सम्मेलन ने लवैंडर कन्नै जुड़े दे करसानें- स्टार्ट-अप्स- उद्यमियें- साईसदानें ते जम्मू-कश्मीर दे बक्ख-बक्ख हिस्सें खासकरियै भद्रवाह दे बड़े ते अगुआ एरोमा ते इत्तर उद्योग गी इक सांझे मंच पर आहन्नेआ ऐ। एहदा मकसद बजारी सरबंधें गी मजबूत करना- उत्पादें दे गुणवत्ता च सुधार करना ते इलाके लेई लवैंडर आधारित इक टिकाऊ अर्थबवस्था दा निर्माण करना ऐ। इस मौके पर लोकें गी

सम्बोधित करदे होई डाक्टर जितेन्द्र सिंह होरें इस आयोजन लेई CSIR –ट्रिपल आई.एम जम्मू दे डरैक्टर डाक्टर ज़बीर अहमद ते उन्दी टीम दी सराहना कीती ते आखेया जे एह पैहल जम्मू-कश्मीर च CSIR एरोमा मिशन ते पर्पल रेवोल्यूशन दी बधदी कामयाबी गी दर्शादी ऐ।

<><><><><><>

Bahrain

बाहरेन नै अज्ज ईरान दे इस्लामिक रिवोल्यूशरी गार्ड कोर-IRGC कन्नै कथित तौर पर जुड़े दे 41एं लोकें दी गिरफ्तारी दी घोषणा कीती ऐ। बाहरेन दे गृह मंत्रालय नै आखेआ जे अधिकारियें IRGC कन्नै जुड़े दे इक नैटवर्क दा पर्दाफाश कीता ऐ। अधिकारियें दस्सेआ जे समूह दिएं गतिविधियें जां दुए गैर-कनूनी कम्में च शामिल कुसै बी जनें खलाफ कानूनी कार्यवाही कीती जाहगा। एह गिरफ्तारियां 28 फरवरी गी शुरु होई दी अमरीका- इज़रायल ते ईरान बश्कार बधदी खेत्रीय तनोतनी दे चलदे कीतियां गेइयां न। बाहरीन नेह खाड़ी मुलखें चा इक हा- जिसी ईरानी हमलें दा नशाना बनाया गया हा।

<><><><><><>